

Bosna i Hercegovina  
Federacija Bosne i Hercegovine  
KANTON SARAJEVO  
MINISTARSTVO UNUTRAŠNJIH POSLOVA  
UPRAVA POLICIJE  
SARAJEVO

Broj: 02-64 /18

Datum:12.03.2018. godine

URED POLICIJSKOG KOMESARA – šefu Ureda  
SEKTOR UNIFORMISANE POLICIJE – načelniku  
SEKTOR KRIMINALISTIČKE POLICIJE – načelniku  
SEKTOR ZA POLICIJSKU PODRŠKU – načelniku  
SEKTOR ZA PRAVNE, PRAVNE, KADROVSKE I LOGISTIČKE POSLOVE,  
EDUKACIJU I EVIDENCIJE – pomoćniku policijskog komesara  
JEDINICA ZA PROFESIONALNE STANDARDE – načelniku  
PRVA POLICIJSKA UPRAVA – načelniku  
DRUGA POLICIJSKA UPRAVA - načelniku  
TREĆA POLICIJSKA UPRAVA - načelniku  
ČETVRTA POLICIJSKA UPRAVA - načelniku  
PETA POLICIJSKA UPRAVA - načelniku  
ŠESTA POLICIJSKA UPRAVA - načelniku  
SEDMA POLICIJSKA UPRAVA - načelniku

U prethodnom periodu, na prostoru Federacije Bosne i Hercegovine, kao i Kantona Sarajevo, izražena je pojava nenajavljenih blokada saobraćajnica od strane boračke populacije i radnika, koji traže ostvarivanje određenih socijalnih i drugih prava. Zbog složene političke i socijalno - ekonomske situacije, osnovano je očekivati da će se ovakve pojave dešavati i u narednom periodu.

Javna okupljanja građana na području Kantona Sarajevo, radi javnog izražavanja političkih, socijalnih i drugih uvjerenja i interesa, propisana su odredbama Zakona o javnom okupljanju („Službene novine Kantona Sarajevo“ broj 32/09 i 11/11).

U cilju zakonitog postupanja nadležnih policijskih uprava i policijskih službenika ukazujem na odredbe naprijed navedenog zakona u kojem je u članu 3. propisano:“(1) Prostor prikladan za javni skup je javno mjesto pristupačno i prikladno za okupljanje lica čiji broj i identitet nije unaprijed određen i na kome okupljanje građana ne dovodi do ugrožavanja prava i sloboda drugih lica, zdravlja ljudi, sigurnosti ljudi i imovine i ometanja javnog saobraćaja. (2) Prostor prikladan za javni skup je i prostor na kojem se odvija javni saobraćaj kada je moguće dodatnim mjerama osigurati privremenu izmjenu režima saobraćaja, kao i zaštitu

zdravlja ljudi i sigurnost ljudi i imovine“, a u članu 13., propisano je: “Mirno okupljanje može se održavati na svakom za to prikladnom prostoru u skladu sa odredbama člana 3. ovog Zakona“.

U skladu sa odredbama člana 10., ovog zakona postoji obaveza prijavljivanja mirnog okupljanja, a prijava se podnosi najkasnije pet dana prije početka održavanja mirnog okupljanja, nadležnom policijskom organu - policijskoj upravi Uprave policije Ministarstva unutrašnjih poslova Kantona Sarajevo na čijem području se namjerava održati mirno okupljanje ili Upravi policije Ministarstva, ako se mirno okupljanje namjerava održati na području dvije ili više policijskih uprava. U članu 15., ovog zakona propisano je gdje se ne smiju održavati mirna okupljanja, a između ostalih mirna okupljanja ne smiju se održavati na autoputevima, magistralnim i regionalnim putevima i saobraćajnicama na kojima se odvija šinski saobraćaj na način kojim se ugrožava nesmetano odvijanje saobraćaja, kao i na drugim mjestima, ako bi se s obzirom na vrijeme, broj učesnika ili prirodu okupljanja moglo ozbiljnije poremetiti kretanje i rad većeg broja građana. U cilju zabrane održavanja mirnog okupljanja nadležni policijski organ dužan je preduzeti mjere propisane u članu 16., 23. i 24., Zakona o javnom okupljanju.

Pored odredaba naprijed navedenog zakona, ukazujem i na odredbe člana 3. i 19., Zakona o osnovama bezbjednosti saobraćaja na putevima u BiH - (“Službeni glasnik BiH”, broj: 6/06, 75/06, 44/07, 84/09, 48/10, 18/13 i 8/17), u kojima je propisano da učesnici u saobraćaju ne smiju ometati saobraćaj, kao i da je na javnim putevima zabranjeno vršiti bilo kakve radnje koje bi mogle ugrožavati ili ometati saobraćaj na javnom putu ili oštećivati javni put i objekte na njemu, a ograničenja saobraćaja propisana su odredbama člana 170., naprijed navedenog zakona. Organizacija i upravljanje saobraćaja na području Kantona Sarajevo propisano je Zakonom o uređenju saobraćaja na području Kantona Sarajevo.

Pored navedenog, potrebno je imati na umu i odredbe Krivičnog zakona FBiH, Zakona o krivičnom postupku FBiH, Zakona o prekršajima, Zakona o prekršajima protiv javnog reda i mira u Kantonu Sarajevo, kao i odredbe Zakona o unutrašnjim poslovima i Zakona o policijskim službenima Kantona Sarajevo, kao i odredbe drugih pozitivnih zakonskih i podzakonskih akata koji se primjenjuju u svakodnevnom postupanju od strane nadležnih organizacionih jedinica i policijskih službenika.

**Na osnovu naprijed navedenog, potrebno je da nadležne policijske uprave i druge osnovne organizacione jedinice Uprave policije Ministarstva unutrašnjih poslova Kantona Sarajevo, u slučajevima javnih okupljanja građana, postupaju uz dosljednu primjenu naprijed navedenih zakona, a naročito u slučajevima kada se javna okupljanja održavaju na mjestima na kojima to zakonom nije dozvoljeno.**

**Policijske uprave, dužne su da postupaju u skladu sa nadležnostima propisanim odredbama člana 54. Pravilnika o unutrašnjoj organizaciji Ministarstva unutrašnjih poslova Kantona Sarajevo broj 01-12-6/17 od 17.07.2017. godine i broj 01-12-7/17 od 11.09.2017. godine, a načelnici policijskih uprava i rukovodioci unutrašnjih organizacionih jedinica dužni su u potpunosti da izvršavaju opisane poslove propisane naprijed navedenim pravilnikom.**

**Potrebno je da Sektor za policijsku podršku u saradnji sa Sektorom uniformisane policije, policijskim upravama i Jedinicom za profesionalne standarde sačini plan o aktivnostima i postupanju policijskih službenika Uprave policije Ministarstva**

unutrašnjih poslova Kantona Sarajevo u kriznim i vanrednim situacijama. Rok za sačinjavanje plana je 20.03.2018. godine.

Na osnovu naprijed sačinjenog okvirnog plana sve osnovne organizacione jedinice dužne su sačiniti akcione planove za postupanje u kriznim i vanrednim situacijama. Rok za sačinjavanje plana je 01.04.2018. godine.

Potrebno je da Sektor uniformisane policije u saradnji sa nadležnim policijskim upravama sačini plan osiguranja ličnosti i objekata koji se posebno osiguravaju u skladu sa Uredbom o određivanju ličnosti i objekata koji se posebno osiguravaju i načinu njihovog osiguranja („Službene novine Kantona Sarajevo“, broj 16/17). Rok za sačinjavanje plana je 20.03.2018. godine

Policijske uprave i druge organizacione jedinice koje vrše osiguranje objekata Uprave policije i Ministarstva unutrašnjih poslova Kantona Sarajevo, dužne su sačiniti nove planove osiguranja. Rok za sačinjavanje planova je 20.03.2018. godine.

Nadzor nad provođenjem naprijed navedenih aktivnosti vršit će Odjeljenje za unutrašnji nadzor, koordinaciju i usmjeravanje, o čemu će podnijeti izvještaj policijskom komesaru, najkasnije do 05.04.2018. godine.

Za blagovremenu realizaciju i postupanje po naprijed navedenim aktivnostima, čim odgovornim rukovodiocima osnovnih organizacionih jedinica Uprave policije Ministarstva unutrašnjih poslova Kantona Sarajevo.

